

*M. 3446.*

DISSERTATIO INAUGURALIS  
DE  
TINEA CAPITIS.

QUAM

CONSENTIENTE AMPLISSIMO MEDICORUM  
ORDINE

IN

UNIVERSITATE CAESAREA LITERARUM  
DORPATENSI,

UT GRADUM

DOCTORIS MEDICINAE


LEGITIME ADIPISCATUR,

LOCO CONSUETO PUBLICE DEFENDET

AUCTOR

CAROLUS HENRICUS PETERSENN,

LIVONIUS.



*CXXXI: 19*

DORPATI LIVONORUM  
EX OFFICINA ACADEMICA J. C. SCHÜNMANNI.

MDCCCXXV.

~~SECRETUM~~  
Imprimatur,

ea tamen conditione, ut, simulac typis excusa fuerit haec  
dissertatio, septem exemplaria collegio, cui censura libro-  
rum mandata est, tradantur.

Dorpati Livonor. d. xxviii. m. Maii MDCCXXV.

Dr. L. A. Struve  
h. t. Decanus.

~~SECRETUM~~  
CXXXI: 19

## JOANNI PETERSENN

PATRI OPTIMO CARISSIMO,

NEC NON

# GUSTAVO ABENGELHARDT

PRAEFECTO TURMAE PRAETORIANAE AC DIOCESEOS SAARENSIS PRAETORI,

VIRO SUMME COLENDΟ ET OPTIME DE  
SE MERITO

HAECCE PRIMA STUDIORUM RUDIMENTA

D. D. D.

AUCTOR.

*Introductio.*

Causae, haec me conscribere impellentes, quae qualesque sint, satis superque constat inter omnes, quam ut afferam eas, sequentiaque excusem. At accuratiorem requirere videtur explicationem, cur eam potissimum materiam exponendam putaverim, quae ab Alibert et Batemann, illustrissimis scriptoribus nuperrime jamjam diligentius tractata sit. Quam vero propter hoc exquisitiore censem contemplatione esse dignam, quod in hac nostra regione satis frequens ac diffusum contineat malum, quo sperarem, fore, ut aliquot in hunc finem propositorum assecuturus sim observaciones, quae cum in aliis artis medendi materiis me deficient, in hac experientiae et usus inopiam meam aliquatenus, compensare possint. Ceterum exantheme illud chronicum, quod tineae capitis nomine, infantum praesertim capillitum invadit (id enim materia mea tantum amplectitur aliaque tineae species, tinea

*sc. faciei, ab ea excluditur) non modo ob deformitatem quam concitat et molestiam, sed etiam propter naturam suam pertinacissimam, imo vero quae efficacissima non raro illudit medicamina, dignissimum mihi videtur, quod a medico unoquoque reputetur; eoque magis, quod morbus hicce admodum neglectus est a medicis. Nam uti Gui - de Chauliac et Ambr. Paré\*) sui temporis chirurgos, quibus, ut arbitrabantur ipsi, hujus morbi curatio debebatur, acriter admonuerunt, ut curando abstinerent, ita recentiore tempore a medicis permissa est aut circumforaneis, aut qui artem suam usu magis quam studio cognitam exercent, nec ulla causa alia, quemadmodum memorat Murray \*\*), quam qua medici compulsi, quium aegrotantibus timant, aut acidulas thermasve frequentandas aut itinera animum distringentia et laxantia, aut in patriam redditum commendare atque suadere solent. Inde ex hac medicorum negligentia secuta est mali curatio temeraria et inepta, nec non medicaminum permultorum applicatio exterorum, omissa idonea praecautione et deficiente organisui infantilis cognitione, ita ut, tristissimum dictu, calamitas saepissime maxima parata et accepta sit. Pertinacitas igitur morbi ipsa, etiamsi malum eventum tot curandi methodorum explicet, medicorum tamen ipsorum est culpa, scilicet cum*

---

\*) et \*\*) Murray de tinea capitis medendi ratione patlipomena. §. 2.

mali negligentia, tum eo maxime, quod, quum morbo sanando operam navare inciperent, varias formas subtilius distinguendo rei notiones confundebant et diagnosis simul cum curatione impeditiorem reddabant. Quod opprobrium non solum ad auctores pertinet veteres, sed etiam recentiores, sicuti infra referre suo tempore in animo est, et quamquam novissimis temporibus ad morbos cutis in genere atque ad hunc in specie animus intentior conversus sit, disquisitionibusque gaudeamus praestantissimis, majoris tamen quam fas est subtilitatis in rebus minoris momenti exprobrium iis adhaeret. Curationis hujus morbi eventum si optamus prosperiorem, simplicior evadat, necesse est, quod quidem aliter fieri non potest, diagnosis nisi certiore facta et faciliore. Quod vero, neque specierum nec nominum amplificatione, sed potius imminutione, fieri posse, spero fore ut hoc meo epusculo comprobem.

---

## D i a g n o s i s.

**A**ntequam ad tineae capitis formarum, varie hucusque a scriptoribus existimatarum, considerationem specialiter jam perficiendam, nec non notiones, quae diversae de hac materia exstant, explicandas, nominationesque iis correspondentes commemorandas, transire possim, generali videtur opus esse ipsius notacione; quod quidem adgradienti haud aegre mihi confitendum est, in scriptis hanc ipsam materiem tractantibus majorem praeter spem contineri rei convenientiam, quamvis maxime varia sint inter se generum adsumptorum atque specierum nomine et descriptione; quam autem rem majoris momenti existimo eo, quod convenientia haec descriptionum generalis in hoc morbo decursus comprobat, varias ejus formas, sicuti ab observatoribus adspactae sunt, in rei quodam essentiali utique non veri, sed non nisi in casu positas esse. Generalia specialibus certe anteeunt, generalibusque semper iisdem, specialium varietates haud li-

citum nobis praestare possunt gravioris eas momenti ac per se existentes agnoscere.

Exanthema chronicum \*), cui commune fere nunc temporis nomen tineae capitis et arctiore quidem sensu imponi solet, omnes videlicet auctores numerant inter exanthemata pustulosa; P. Frank vero cum Haase, quia ab herpete ob situm tantummodo in parte capitis pilosa, et eximiam suam apud infantes frequentiam differat, herpetem eam esse ducunt; praeceptor meus, maximopere mihi venerandus, Dr. Struve, illvir, ab impetigine haudquaquam discernit, et in infantibus tantum in caput tendere eam, atque ibi tineam prodire in lucem, apud adultos autem magis in ceteris corporis partibus conspicit et tum sine dubio impetiginem sensu strictiore formari pro certo habet. Exanthema exoritur cum symptomatibus inflammatoriis et localibus, sicuti affectiones ostendunt, cum praecedentes tum comitantes. Individua, ab hoc malo correpta minorem majoremve experiuntur pruritum cum tensionis cujusdam in locis affectis sensu conjunctum, cutis in capite rubet, intumescit, sensus quidam caloris, quin imo capitis interdum dolores vehementissimi vexant aegrotum, insecta in capite

\*) Sit mihi permisum, usurpare hoc nomen ad tineam etiam designandam, quamquam bene sciām nunciationem hanc morbis cutaneis acutis retentam, morbos autem cutis chronicos nomine alio, scilicet impetigine, vocari. Rei enim perspicuitati majori inservire volui,

molesta saepissime ad id mirifice crescunt multitudinis, ut, quin scabant, aegroti non possint neque aliter cruciatui afferatur levatio aliqua, nisi purificatione quotidiana et assidua.

Saepenumero glandulae tument occipitis et cervicis, indurescunt et pariter fiunt dolorificae; quae affectiones vero omnes in eadem cum mali acerbitate sunt ratione, ac, dum exanthema prorumpit ipsum, in dies magis augescunt. Pustulae inter capillos aut vesiculae vel minores vel maiores subalbidae aut subflavae tunc animadveruntur, nunc singulae, nunc minori vel majori congerie ante oculos venientes, plus minusve acuminatae, in basi induratae, cacumen versus magis emollitae, quae aut inter capillos aut circa eos procreantur, liquore quodam subflavo-albido alias aliter consistente completæ. Breve tempus perdurant et vel disrumpuntur scabente digito vel sua sponte crepant, ichorem tunc quandam lymphaticum, glutinosum, meli hand dissimilem profundentes, non raro foetidum, e minoribus vel majoribus aperturis manifestis iterum atque iterum scatentem, qui inter capillos abiens eos conglutinat et in coperculum crustosum plus minusve diffusuni ac durum aere superveniente indurat, quod, exsudatione prout vel majore vel minore locum habente, crustas provocat, modo squamosas, modo crassas elatasque, aut singulas, aut inter se cohærentes et magnitudine majore. Crustæ nunc durae, compactae, granulatae, subalbi-

do-canae, marginibus allevatis praeditæ, nunc molliores, subflavae adspiciendæ. Sub quibus, perseverante exsudatione, ichor aut profuit sub crustarum marginibus, aut denuo induratus eas perfringit, quo quidem modo in dies longius serpens tetterimum prognit coperculum aut minoris aut majoris capitis partis, ex quo capilli implicati ei perplexi prosiliunt. Ichor interdum partes inferiores destruit e. gr. cutem simul cum capillorum radicibus; ulcera evolvuntur, nonnunquam, malo praesertim cum cælia generali coniuncto et nominatim cum syphilitica, ipsa ossa crani corripiunt; insectorum molestorum multitudo mirum in modum amplificatur, rasura creberrima, virorū cogente, statim morbosum magis magisque mutat in partem deteriorem, ita ut capitis superficies veluti a vermis corrosam sese exhibeat. Nullis remediis, quibus malum coercentur, adhibitis, progressus ejus fit insignior; in parte capitis capillata procreantur abscessus, capillorum existit defluyum, glandulae occipitis, cervicis, axillares et auriculares intumescent, saepissime et aurium fluxus appetit, palpebrae rubent lacrimantque, ichor odorem spargit foedissimum, malum magis evadit commune, corpus emaciatur, viarium defectio et animi lassitudo, scrophulosis exculta, ad ultimum febris hectica sese ostendunt; quin etiam vim genitalem Alibert <sup>i)</sup> vidit debilitatem.

---

<sup>i)</sup> Alibert. Description des maladies de la peau. Paris 1806 — II. T. II, Art. I. §. 19.

Auctorum tametsi plurimi in hac morbi imagine unum idemque sentiant, morbum definientes alii ex origine ejus, alii e stadio seriore, in denominatione et descriptione tamen singularum, quas assumebant, formarum tantopere discrepant, tam variis utuntur nominibus, quae contra ea ab aliis nunc morbo generali, nunc formis singularibus indita, confusa et permista sunt, ut vix alius morbus majorem ejus rei ubertatem proferre possit. Operae pretium itaque videtur ante descriptionem morbi quoad specialia incipiendam, experiri, si nomina, de quibus modo diximus, diversissima, conferre inter se et, quantum in me est, strictius possim definire.

Tineam capitinis propriam Hippocrates 2) nomine: *Ta πιτυρωδεα της κεφαλης* et *πιτυρωθεῖσα κεφαλή* appellat, quoniam Celsi 3) *porrigo* congruit sub eadem voce exanthemata cum madentia et suppurosa, tunc sicca et cutis cranii furfuracea amplectentis; Alexander Trallianus 4) et Paulus Aegineta 5) *πιτυγίασιν*, desquamationem siccam neque omnino suppurosam rati, a porrigine suppurosā discernebant. Nihil tamen minus omnes fere interpretes illam expressionem in hanc transferebant. Apud Galenum

2) Prorrh. L. II. p. 109. Epid. Lib. IV. p. 1121.

3) Cels. de Med. L. VI. c. 2.

4) Lib. I. cap. 4.

5) Lib. III. cap. 5.

morbi hujns nomen occurrit *favus* sive *κηρος*, item *μελικηρις*, alii voce *Achore* utuntur, per quam partis capitinis pilosae affectionem quandam Graeci insinuant, in qua liquor quidam glutinosus ex aperturis in cute cranii perexiguis emicat, quam affectionem autem Celsius in expressione *porrigo* jam comprehendit, — *favi* si aperturae majores favis apum haud absimiles sunt; nonnulli nominationes usurpant *furfures*, *lactumen*, *crusta lactea* (quam cel. Wichmann in opere suo: „Ideen zur Diagnistik“ satis superque distinxit) *lepra* in capite, *ficus* sive *συκος*, *serpigo*, *manantia* capititis *ulcera*, *scabies* capititis, *alopecia* 6) prout vel periodos mali aut gradus varios significare, vel formas ejus diversas diagnoscere conabantur. Tandem plerisque usitata aut in hoc exauthemate capititis generaliter, aut singulis ejusdem varietatibus adhibita vox *tinea* est; quod nomen, a Marcello de Bordeaux Saec p. Chr. n. V, secundum autem aliorum opinionem a Stephano 7), Haly Abbas interprete, primum huic morbo impositum, tantum abest ut sit barbarum, quemadmodum P. Frank 8) ei ex-

6) Murray de medendi tineae capititis ratione paralip. Goetting. 1786. §~3. p. 228.

7) De med. II. 6. coll. 260 coll. Stephan.

8) P. Frank de curandis hom. morb. epit. Lib. III. p. 190.

probravit, ut potius apud Claudianum, Martialem et Columellam et cet. in vermibus teredinibusve denotandis solitum reperiamus. Quodsi perpendimus, quantopere in hoe morbo cutis capitis tamquam a vermibus corrosam se praestet, libenter confitendum, hanc vocem non male esse electam atque verbo porrigo praferendam, quod, quamvis a Celso jam-jam usurpatum, nihilominus nec tam est usitatum, neque, si ita circumscripte uti eo velis ut Alex. Trall. et Paul. Aegin., totam morbi explicat significationem. Huc accedit, quod vox tinea, sicuti Frank sese exprimit, velut in civitatem recepta est. Jure autem dolendum est, hanc tam vario modo adhibitam et ex ea tam diversas derivatas esse species, ut, quid quisque per eam indicare velit, difficillimum sit dijudicatu. Cel. Sennert 9) tineam a crusta lactea, favis et achoribus sejungit, sub quibus ulcerata intellegit cutis capitis madentia, sub illa vero crustis obducta. Haly Abbas 10) uno eodemque nomine quinque varietates comprehendit, quas Guido de Chauiliac 11) nobis servavit, tineam furfrosam morbi ejusmodi singularem etiam adjiciens speciem. Cel. Sauvages 12) rem eo perduxit, ut ad novem nusquam genera inter se diversa numeraret; ill. Vogel 13)

9) Opera Tom. IV. p. 768.

10) 11) Chirurg. Tract. 6. Doctr. 2. c. I. p. 339.

12) Nosol. T. 3. P. 2. p. 466. sq.

13) Diss. definit. gen. morb.

achores, crustam lacteam, favos et tineam proprias tamquam distinxit morbi formas; cel. Cullen 14) pariter achores a tinea discernit. E linguarum non minus inscientia nominum confusiones ac permixtiones oriebantur. Sic Guilielmus de Saliceto 15) XIII p. Chr. n. Saec. discrimen accurate quidem explanat inter crustam lacteam, furfures, tineam et alopeciam, cuius vero discipulus Lanfranc de Mailand 16) sub alopecia tyriam comprehendisse videtur (malum ab Arabibus descriptum, in quo cuticula desquamaretur formam gerens serpenti similem et quod a Tyro, serpentum quodam in Italia genere nomen duxerit) sed perperam sine dubio praeceptoris verba percepit, scribens: tineam, qui morbus secundum eum nil amplius est quam „casus capillorum a tinea quae est vespertilio quae sicut in alis caret pilis, sic etiam tinea pilis caret“. Ut antores veteres in descriptionibus, denominationibus et notionibus has formantibus errore ducentur, ita non minus et recentiores. P. Frauk 17) achores, favos et tineam distinguit, priores vero duos uti Graeci, tertiam, capillorum radices malum si attigerit, cuius genera complura enumerat, sub

14) Synopsis nosol. method. p. 161. 250.

15) Chirurg. Lib. I. c. 2. 4.

16) Chirurg. doctr. 1 tr. 3. c. 2. f. 225. c.

17) De curand. hom. morb. L. III. Ord. II. Gen. VI. §. 446.

nomine scilicet tinea malignae (majoris mali gradus) tum tinea humidae et siccae, prout exsudatio major existit vel minor. Haase eodem modo morbum internoscit, tineaque de qua loquitur hereditaria, Frankii 18) tinea malignae respoudet. Henke 19) etiam non minus; — quibus ex distinctionibus, quod auctores et ipsi negare non audent, facilime colligere possumus, stadia tantum de quo agitur morbi diversa magis quam formas revera diversas ab iis designari. Ill. Haase itaque §. 641. transire eas dicit alteram in alteram et v. P. Frank l. n. §. 446: „non interim tam diversa mali quam nominum natura est ac sede magis aut aspectu atque gradu quam „indolis ratione in illo nascitur diversitas“, declarat. His nominibus et hoc ordine a plurimis auctorum recentiorum morbus hicce in compendiis eorum de therapia cum generali, tum maxime in scriptis de infantium morbis exponebatur, donec cel. Alibert in opere suo de cutis morbis magnifico, ill. Robert Willan (de morbis cutaneis, transtulit F. G. Friese Vratislaviae 1799 — 1806) et ven. Thomas Batemann (Praktische Darstellung der Hautkrankheiten nach Willans System übers. von Hahnemann, Halle 1815) denuo complures morbi ejusdem describebant formas, quas vere assumebant diversas. Alibert formas quinque constituit,

18) Haase chron. Krankh. 4. Bd. 5. Ordn. Cap. 4. §. 641.

19) Henke Handbuch der Kinderkrankh. 1. Bd. p. 181.

tineam videlicet favosam (teigne faveuse, alveolée) tineam granulatam sive rugosam, psydraciam (t. granuleuse, rugueuse) tineam furfuraceam seu porriginosam (t. furfuracée vel porrigineuse) tineam amianthaceam (t. amianthacée) et tineam mucosam (t. muquenue). Hl. Batemann cum Willan sex tinea genera discernit I. porriginem larvalem II. porriginem furfurantem III. porriginem lupinosam IV. p. scutulatam V. p. decalvantem VI. p. favosam.

Hae fere sunt tineaे capitinis divisiones ac distributiones, e quibus, quas auctores modo memorati statuerunt, prae ceteris inter nos cognitae atque vulgatae sunt. Ut vero virorum istorum doctrina inclitorum cum observandi ingenio et actumini tum experientiae debitum honorem tribuere hand recusem, ita temperare mihi non possum quo minus profitear, ipsis eos singularium formarum, quas diversas inter se aestimant, distinctionibus subtilioribus diaguosin, equidem ut opinor, impeditiorem quam expeditiorem reddidisse, medicaminum multiplicatione, cuique morbi formae proprio suo destinato, curationem fecisse complicatiorem, et sententiae, in morbis aliis tam multis ratae atque probatae: „quo pluribus morbi „cujusdam utimur remediis eo magis natura morbi nos „latet“ et in hoc ipso insigne praebuisse adminiculum. Non arrogans nec nimis mei fuis mihi videor, si horum virorum opinionem refutem, atque declararem, quomodo quoddam rei naturae non innexum

et in casu positum pro re essentialiter diversa ii habuissent ac descripsissent. Experimentis quae hucusque facta sunt, inter se collatis, quum judicium meum de hac materia, si cum illorum compares, minoris momenti sit, quamvis vereor, ne mea ipsius experientia omnino in obscuro versetur atque e conspectu recedat, observationes tamen, quas paucas instituendi potestas mihi data est, edocuerunt me, quam diversa saepissime crustarum sit formatio, quam parvo momento e morbi natura dependeat ideoque causam divisionis nullam exhibere possit. Quamquam enim interdum cogamur, morbos permultos dividere secundum formam, ignari eorum naturae, forma tamen crustarum, induratione exsudati in hoc morbo conflatarum copiam istam distinguendi nobis dare nequit, processus morbi symptomatibus consideratis non nisi omnibus ac singulis. Jure igitur Josephus Frank „varias, dicit, tineae species e varia „crustarum forma statuere supervacuum existimamus.“ Sed minime certe unquam tentarem placitis hisce ill. virorum occurrere et repugnare, nisi praceptoris mei Prf. nec non Dr. Struve usu atque experientia viri praestantis, qui gratissima mihi semper dignus erit memoria, quique una mecum has in hoc morbo species statuendas rejicit, judicium maturius mihi adasset, argumentis insuper contrariis celeberrimorum definitionibus in ipsis medicorum a me depre-

hensis. Alibert 20) ad confirmandam ab eo suscep-  
tam divisionem hoc proponit argumentum: exsuda-  
tum in variis formis variam prae se ferre naturam  
chemicam, tineam nominatim favosam plus continere  
aluminis, quam gelatinæ, tineam vero furfuraceam  
ac praecipue granulatam plus gelatinæ quam albu-  
minis, singulas porro species discrepare inter se cum  
crustarum colore, tum, quem exsudatio spiret odore.  
Verum enimvero disquisitiones substantiarum anima-  
lium chemicae, praesertim in morbis, partim adhuc  
tam sunt imperfectæ, inanes ac steriles, partim in-  
dicia Aliberti tam manca et non sufficientia, ut nul-  
lum fere rei ex iis discrimen colligere possis. Minoris  
etiam momenti color est et in morbo producti o-  
dor, cum vel in crustarum crassitudine et exsudati  
quantitate minore aut majore vel in aegroti vitae ra-  
tione, praecipue mundicie, siti sint. Crustarum colo-  
r, hand scio an cutis et capillorum proprium colo-  
rem habeat causam et his forte aut magis albidis aut  
fuscioribus, ille etiam sit aut albidus magis aut fuscior.  
Utrorumque enim color certis materiis adhae-  
ret secretis, quas uno eodemque organo, cute scili-  
cet, ab iisdem vasis (secernentibus) secretas vide-  
mus. Colore complurium secretionis productorum in  
statu quidem valetudinis integro apud individua di-  
verso, quid est cur non sit etiam diversus in secretio-

20) Al. l. n. T. II. Art. 6. §. 51.

nibus morboris, quam ob rem non sese praestet fuscior, cum materia cutis et capillorum colorem terminans existat fuscior et vice versa?

Tinea capitinis, quod haud negari potest, non semper utique forma eadem prodit in lucem, variasque sane progignit formas, quas, cum totius decursus symptomatibus ducantur, ut diagnosis justa rectaque sisti possit, licitum ac necessarium erit, discernere. Quod vero discrimen in signis niti oportet, quae a morbi historia perfectissima sunt oblata, neque e symptomatibus singulis ac fortuitis deponita. Quem ad finem in morbo hocce describendo distributionem sequar cel. Struve, doctissimi viri, et quam maxime potero in duabus secundum etiam formis assumitis loco suo ac tempore, lectorem benevolum in hujus morbi varietates Alibert et Willan delegabo experiarque exponere, quomodo, morbo recurrente, procreentur, conditionibus scilicet levioribus obnoxiae, quae, cum ita sint comparatae, harum formarum fortuitum et inconstantiam et ipsae comprobant. — Sed priusquam in incepto meo pergere possim, declarare necesse est, porriginem larvalem Bat. cum crusta lactea Wichm.  
21) et plurimorum auctorum aliorum, revera congruere, ideoque pertinere ad tineam faciei neque ad materiali mihi propositam. Tinea micosa Al., qui crustam lacteam omnino non habet pro morbo et spe-

21) Wichm. Ideen zur Diagnostik.

ciei alias fineae faciei, crustae nempe serpiginosae Wichm. prorsus non facit mentionem, pariter mihi ex parte saltem hanc videtur attingere.

Praecipua varietas in origine tineae capitis versatur in eo, quod cum minoribus majoribusve pustulis aut gregatim in cutis loco aliquo segregato et inflammati, aream <sup>\*)</sup> quem vocant situm, habentibus, aut singulis et quae aliae ab aliis sejunctae sunt, exoriatur. Hoc judicandi modo rei veritati aptissimo spero non selum fore ut tineae capitis descriptiones in majorem redigam ordinem, sed etiam nomina reservabo materie, de qua loquimur, multis ante tempestatibus imposta et per omnes, quas tinae descriptio perpessa est conversiones, retenta. Semper enim et post hominum fere memoriam 22) duae videlicet in hoc morbo pustularum formae distinguebantur, aehores et favi, qui, a plurimis scriptorum varietates tamquam ejusdem generis existimati, magnitudine

<sup>\*)</sup> Area vox est proprie locum patentem significans cum a nonnullis tum maxime a Celso usitata ad eam molestiam indicandam, qua capilli in singulis capillitii partibus evanescunt, quaeque secundum eum duas hujus molestiae varietates continet, alopeciam sc. et Graecorum <sup>¶</sup>plastix, ab aliis vero ad locum cutis usurpatum designandum inflammatum et separatum, quo sensu et ego hac voce usus sum.

22) Aetius tetrab. 2. sermo 2. cap. 68. Alex. Trall. L. 1. cap. 8 et 9. Paul. Aegin. de re med. L. 3. cap. 3. Orybes syn. T. 4. cap. 12.

tantum inter se differant. Achor pustulam exhibet parvam et acuminatam materia quadam impletam colore fere straminis, quam tenuis vel fusca vel subflava sequitur crusta. Favus sive *κηρος* major est et planior, non acuminatus, tenaciorem continens materiam; fundus ejus persaepe irregularis est inflammatuus; posthac crusta prorumpit flava, fovea instrueta, favis apum, a quibus nomen traxit, haud dissimili. Achor, quamquam interdum existat singulus, saepius tamen in singulis areis, quae a locis in cute integris disjunctae sunt, congregatus offenditur, quo quidem secundum ill. Struve construitur tinea achorosa. Favus contra singulus magis evolvitur, tum formam morbi secundam habemus, tineam nempe favosam. Hoc praestantissimum ambarum varietatum signum est distinctionis, quas describere nunc et utramque casibus aliquot a me observatis firmare in animo est.

### I. Tinea achorosa.

In loco quodam capillitii perspicue inflammato, dimidii pollicis ad pollicem usque magnitudine, copia emergitur pustularum, quae in basi induratae in summa autem earum parte sunt moliores et lympha subflava replete; partim siccescunt, partim liquorem effundunt plus minusve fuscum vel colore tinctum stramento simili, qui in crustam durescit, nunc du-

riorem, nunc molliorem. Solito morbus simul cum areis compluribus, supra memoratis incipit, quarum perpaucæ ad magnitudinem usque pollicis angescunt. Interdum numerus earum est maximus. Inter quas areas discretas, a locis in cute integris disjunctas, saepius pustulae ejusmodi parvae apparent (achores), interdum tanto numero, ut, exsudatio praesertim si adest copiosa, crusta cohaerens supra totum caput formetur. Quod quidem fit rarius. In hoc, de quo diximus, casu exsudatum proprium diffundit odorem foetidum et rancidum, qui sternutationem haud raro concitat, atqne in crustam subflavam satisqie crassam durescit; ad qneni casum Alib. tinea mucosa ex parte pertinere videtur, iis scilicet e descriptione ejus remotis, quae manifestissime attinent ad crustam serpiginosam. Nam si in describenda hac sua forma huic conveniat, morbum in tenera aetate emicare, difficile cum dentitione, affectionibus morbosis systematis lymphatici et nominatim scrophulosis conjunctum esse, alimentis sanitati alienis exoriri, faciem saepenumero ab eo corripi, quae tum sit rubra, calida et tumida, maximeque pruriat, ita ut infantes inclinationem insuperabilem sentiant scabendi, quo vero pustulae in facie emersae disruptantur et liquor ex flavo albidus profluat, qui crustas provocet straminis ferè colore imbutas et per partes in cute integras in dies longius serpens postremo maciem afferat et corporis debilitatem, — tum, quod in morbi de-

scriptione refert, si malum in parte magis capitis pilosa formatur, partim et in tinea nostra achorosa conspicitur, e. gr. cutis inflammatio, excretio uberrima, capillorum a crustis varie formatis variaeque magnitudinis conglutinatio, sub quibus exsudatio perseverat, continua procreatio pustularum parvarum recentium et coniformium ichore flavo, tenaci mucosoque repletarum. Exsudatione minore crusta celerius in dies siccescit, fit friabilis, calci similis, modo cana, modo fuscior, in quo quidem casu tineam Al. granulatam videmus, nam etsi tamquam propriam speciem eam definit, quae eo denotetur, quod paucos tantum capillitii locos invadat et cum colore, tum odore prae ceteris formis excellat, haec signa tamen omnia copia in hoc morbo exsudati minore satis superque explicantur, quae sola, quantum egomet judico, causam distinguendi, quia a constitutione aegroti dependet, nobis praebere omnino non potest; luculenter enim perspicis, exsudatione ubique facta minore, et cutis loci pauciores posse occupari, crustam celerius indurescere eaque de re crepare, istud calci simile accipere et fusciorum fieri: quae ipsa res sufficiens esse mihi videtur hujus formae odori explanando leniori. Crustarum colorem illum fusciorum, qui eo, quo ostendimus modo jam partim explicatur, nimis tam frequentem animadvertebat Albert, aegrotos enim maxime badios, quos sua ipsis fert pax, observandi semper ei fere data est potes-

tas, in quibus autem hominibus morbosae etiam exsudationis color fuscior fortasse constitutioni nec tamen cuidam tineae speciei aliquid conveniens erat. Phaenomena eadem in tinea achorosa occurunt, si in initio etiam cum magna conjuncta erat exsudatione, sin vero inveteraret, minore. In hoc titulo ponenda est etiam porrigo scutulata Batemannii, ut plane elucet e descriptione sua, expresse dicentis, factam post eruptionem achorum singulis in areis inaequilibus et circularibus, sicuti supra descriptum est, formari crustam, dum morbus, exsudatione vehementiore, longius in dies serpat ac destruat. Achoribus in regione capillorum magis radicum formati capilli, ex iis prominentes, soluti sunt, interdum destringuntur et deletis radicibus decidunt. Circuitui arearum correspondentia proveniunt loca decalvata, interdum progrediente magis magisque malo, coalescentia in unum et veram tum producentia calvitiem, quod vero rarius solet accidere. In casu modo nominato tinea achorosa Batemannii porriginem decalvantem nobis offert, quemadmodum descriptione ejus, cum porragine, scutulatam quam vocat, comparata, satis patet. In his locis si capilli denuo nascentur, sunt molles, lucidi, lanei, in provectionis aetatis individuis cani (quod quidem lanugo appellatur). Tinea furfuracea Al. porrigoque furfurans Bat. exoriri videntur, si achores non congerie conferta sed singuli magis in area inflammata prorumpunt,

evacuatio ichoris e pustulis minor est ideoque squamae magis minutae quam crustae prægignuntur. Ba-temann enim dicit, liquorem e parvis achoribus excretum ob exiguum suam copiam facile et celeriter coagulari et in lamellis innumerabilibus discurrere. Al. contra in descriptione tineam aliqua ex parte confundit cum scabie capitum, sic dicta, secundum alios pityriasis, a Plenk porrigo farinosa sive spuria nuncupata, quae sine ulla pustularum formatione ac suppuratione in lucem prodit; cuius confusionis causa est, quod saepissime in tinea inter loca re vera correpta epidermis desquamatur in forma furfuris, quae de-squamatio in frontem usque haud raro diffunditur, quo fit ut strata epidermidis partium solutarum majora congregentur, digito prementi cedentia acervuloque furfuris haud dissimilia.

Curandi morbi sub hac, quam nunc ipsum descripsi, forma, quum mihi nuperrime obvenisset occasio; licitum etiam sit, quoniam res ita obtulerat, quaecunque observavi, hic breviter subnectere.

Mina, puella Esthona duodecimum aetatis annum agens, subfuscata, parentibus validis ac bene valentibus nata, valetudinem tuebatur ceterum integerimam, excepto quod inde a tertio aetatis anno tinea achorosa illam vexaverit, qua, dixerunt, infectam esse promiscuo pectinis usu.

Jam initio contagionis-vexata fuerat calore verticis, tensione et pruritu, mox autem subsequeban-

tur crustae duræ et siccae, quae remotæ rursus apparebant et sensim sensimque, medicamentis, partim purificantibus tantum, partim validioribus, frustra adhibitis, longe lateque serpebant. Aegrota nostra alebat capillum promissum, densum et fuscum, et hocce palpando pervestigavi tubercula rauca dura et crassa. Capillis quantum fieri potuit, tonsis, animadvertisi, morbum locos singulos tantum maculis integerimis quibusdam sejunctos obtainere, ex quibus exeuntes capilli, in fasciculorum modo sanie emissâ conglutinabantur, ita ut massam friabilem inter semet ipsi haberent. Qui loci detecti erant duris badio colore tinctis crustis, quae tali modo inhaerebant illis, ut hujus tineae formam observandi operam perdidissent, nisi eo consilio, ut liquerentur crustae, verticem inunxissem oleo olivarum, et caput mitra texissem e boyis vesica parata; praeterea neque extrinsecus neque intrinsecus quidpiam praescripti, nisi severam et rectam vivendi rationem et regimen. Postero die nonnullas inveni crustas solutas, quas sine ulla vi removere potui, et haecce fere nunc reprehendi: In vertice, quo primum eruptiones in conspectum veniebant, areæ erant maximaæ circuitu semi-digitali, crassis, duris et inter se cohaerentibus crustis tectæ, quae exspudationem largissimam ostendebant, ita ut illius tineae, quam Al. mucosam appellat, formam morbus assumisse videretur. In fronte autem erant areæ pauciores et minores, nec crustæ

tantam praebebant crassitudinem; temporibus tenuis vero capillos vidimus glutinatos per saniem, e locis superioribus defluentem, et exsudatio ipsa hic videbatur manca, areae paucae in exiguum ambitum excurrebant et tenues crustae singulis tantum achoribus se-junctae observabantur. Pariter etiam in occipite existebat parvus crustarum numerus, minori adhuc ambi-tu et tanta duritia, ut, quum crustae in festucas, ut ita dicam, diffissae essent, non esset, quod dubitare-mus, quin in hac tineae forma, illam tineam granula-nulatam Alibert, aequa ac porriginem scutulatam Batemann haberemus. Ad unam omnes areae perspicue inflammatae erant, tumidae, epidermide nudatae et plus minusve humectantes. Pediculi, cum aegrota munditiae quam maxime studiosa esset, non in magna copia aderant, ideoque pruritus tolerabilis; odor, crustis mitefactis, vix rancidus. Nonnullis areis inerant foveae sive foramina in cute, magnitudine ca-pitis acus affigendo inservientis, quae oculis intentis non effluxerunt; continebant hae luteolum puriformem aut serosum sanguine coloratum liquorem; prae-ter has vero areas erant, quae omnino laevigatae vi-derentur. Capilli, qui ex areis originem trahebant, radices suas in crassam subalbam massam mucosam degeneratas ostendebant, quo ipsi evulsu fiebant faci-lores. Etiam atque etiam consideravi has degenera-tiones et ut eo accuratius hocce pollerem, in pejus mutatas capillorum radices subjeci microscopio, sed

ampliora non reprehendi, quam, in nonnullis radices omnino in homogenam mucosam massam degeneratas, in aliis vero fila quaedam per hanc traducta esse, quo in casu nil nisi involucrum radicum deformatum vi-deretur. Hi capilli degenerati respondebant majori ex parte foveis parvis, quas supra admonni, et ubi de-erant, ibi produxi semper capillos revellens ex hac vel illa area, statim enim degenerata radice remota talis procreabatur, ita ut foveae, prorsus cedente degenera-tione seu radicis ipsius, seu telae cellulosa hanc cir-cumdantis, oriri viderentur. In sequentibus diebus quo loco capillos non extraxi, pustulis proruptis et mox ruptis, rursus crustae in adspectum veniebant, quibus vero locis removeram capillos, aperturae illae parvae claudebantur, secretio conquiescebat et area glabra et nitida reddebatur. Tali modo et in poste-rum aegrotam tractavi eodemque cum eventu. In nonnullis verticis locis, quibus crassae adhaerebant et densae crustae, tardius solvebantur, et infra saniosi humoris praebebant majorem copiam, et tot tantasque foveas, ut, quum alia transiisset in aliam, ulcera phagedaena formarent, ex quibus capilli conglutinati et perplexi prominebant. Ulcera ex quibus leviter sanguis erumperebat, sedem pediculis aptam praebe-bant pruritum haud exiguum efficientibus; capillo-rum radices ita in iis erant destructae, ut fasciculos singulos, quoties volui, evellere pollerem, quo facto denique sanabantur ulcera et integumentis obtege-

bantur glabris et nitidis, tunc demum tumor, pruritus et calor decrescebant. Non ita multo post hujus puerulae frater, minor natu, corripiebatur eadem tinea, paucas vero apud hunc et parvas observavi areas, easdemque pustulas et crustas et capillorum radices degeneratas, nec non ejusdem curationis adhibitae eventum secundum.

## II. Tinea favosa.

Ut forma tineae descriptae, ita et haec nunc persequenda, pro diversis progressionum periodis, et pro vehementiae suaे gradu, magnam offert symptomatum varietatem, quae tamen nullo pacto nos adducere possunt, ut, quum non essentiales sint diversitates, singulares rursus tineae statuamus ordines, quod quidem Alibert et Batemann voluerunt. Conspicuum et insignem reddit hanc speciem id, quod pustulae non solum maiores, planae (favi) hic prorumpant, sed etiam singulae collocatae sint, neque in areis inflammatis, sed, junctae interdum quod summum est cum tribus ad octo pustulis in inflammata capitum tegumenti parte, plus minusve extensa. Pustulae sunt magnitudine lenti vel pisi parvi et plerumque primum erumpunt ex capitum maxima convexitate, sensim sensimque aliis etiam ex partibus, implentur subflava purpurea materia, et rupiae humorē effundunt hunc effigamine quodam usque ad rete Malpighi irruente;

tunc humor effusus durescit et, capillis conglutinatis, crusta fit dura, cerina vel nitida et cana. Saepissime vero exarescunt pustulae per breve tempus, humor, qui his continetur, conspissatur ad canam massam caseatam, forma rotunda: centrum crustae consideret, vel multo magis exsurgunt margines, eoque modo existit fovea apum favis similis, unde etiam hujus speciei nomen exortum est. Quamvis secundum Batemann porrigo lupinosa 23) et secundum Alibert tinea favosa ex parvis oriuntur pustulis, utraeque tamen mihi, quas de descriptionibus tantum nosco, ad hunc ordinem pertinere videntur; nam si Batemann dicit: porriginem lupinosam cum crustis circularibus, quae in centro consistunt, et cuti altius inhaerent, formari ex parvis pustulis (achoribus), adversus eum id mihi videtur loqui, quod ipse 24) hos achores acuminatos et supra cutem elatos descripsit, qui sane si exarescant, multo difficilius crustas, tali forma, fingere possunt, quam favi, quos ipse ut planas neque excelsas significat pustulas; in his vero evidenter haec fovearum formatio patet, scilicet quum centrum crustae, cum effluvii fonte coniunctum, huic agglutinetur et margines exsiccati solvantur de cute et paulum se erigant.

23) Hoc vocabulo jam Haly Ahbas, quum crustis sint cum lupini seminibus similitudines, utebatur, Nominatur forma illa apud cel. Astruc et Sauvages tinea lupina, et porrigo lupina seu scabies capitum lupina apud Plenk.

24) Batemann's Hautkrankheiten, pag. 21.

Idem hoc adversus Alibert opinionem loquitur, cuius praeterea effatum: tineam favosam formari pustulis parvis, non magni est momenti, quum ipse in divisionibus suis formam crustarum jam formatarum, non vero rationem et modum formationis respexerit. Quo major est exsudatio, eo minor fovearum formatio conficitur; singulae rumpuntur pustulae, in epidermide et reti Malpighi formant parvum, duas fere lineas in diametro continens, foramen, ex quo serum viscidum magna in copia effunditur, quod paulatim durescens, subflavas parvas crustas constituit, quae longe lateque totum pervadunt caput, duriores et longius perdurantes, clariores siccioresque fiunt. Sub tecto hoc crustoso non perit secrecio, exsudatum sub hoc deorsum fluit, aut, coperculo fisso humor perrumpit fissuram et rursus exsiccatus, strata format crassa et irregularia; novaeque iterum oriuntur pustulae, pediculorum numerus, et pruritus augentur. Hic est mali altior gradus, quo cum porrigo fayosa Batemann et tinea fayosa Alibert, si ad majorem gradum pervenerit, omnipo corruunt. Quamdiu exsudatio est magna, tam diu etiam odorem spargit penetrantem, qui ut Alibert adnotavit felis et muris urinam, secundum alios scriptores allium sativum (porrum, inde etiam nomen porrigo originem duxisse narrant) eique similia redolet. Tam acerba, quae exsudentur interdum esse dicunt, ut evaporatio oculos contemplantes, nec non exsudatum ipsum, cutem sanam aegroti in-

fantis, et nutricis infestet et vexet. Capilli exsudatione ad coactile congregabantur, et quamdiu liquida est, exsudato tamquam scala serviunt, a qua defluit; sin autem sensim sensimque conquiescit, tunc indurescit et adspectum e flavo canum nitidum asbesto similem acquirit. Hunc versicolorem adspectum, insignem et perspicuum in capitibus declivibus partibus habemus, in quibus capilli, ad coruscos funes conglomerati pre-mendo subjacentem irritant cutem et inflammant, unde rugor et sulci, quos Alibert descripsit. Haec est ejus tinea asbestina et neutiquam peculiaris species. Quodsi sic se prabeat tinea, tunc odor etiam, quem ipsa jactat est minutus, et tunc tantum augetur quum crusta liquatur. Si malum latius atque altius serpit, et pustulae circum-sident capillorum radices, tum hae potissimum corripiuntur, intumescunt, pulvi similes fiunt et plus minusve intereunt. Ad hunc gradum pertinet illa porri-go decalvans Batemann. Quum res ita sese habeat, et cutem liberemus tineae tegumentis, vix inflammata et nitidam invenimus illam; quem adspectum morbo sanato cutis obtinet; in posterum vero aut nulli capilli, aut singuli tantum, lanae similes, colore mutato, re-crescent; qui autem supersunt, duriores fiunt et fragiles.

Aegrotos, qui hac tinea tentati erant, nonnullos et mihi observandi novissime fuit potestas ideoque potiora contracta cum lectorē benevolo communicarem.

Kaddri, puella gentis Esthonicae, tredecim annorum, subflava, cuius ingenii et insitae corporis vi-

res nec satis excitatae neque exultae erant, constitutionis scrophulosae, jam a primo juveniae flore vexata fuerat tinea favosa. Parentes semper se sanos fuisse contendunt, sed tres iisdem parentibus orti, et natu maiores, eodem impliciti erant malo, duo vero, minores natu, hucusque sani. Inde a quarto aetatis anno parentes in vertice filiolae, ubi primum sensu tensionis et ardoris mota esset, crustas rotunda forma observaverant, et hae flavum tegebant humorem purulentum et remotae rursus apparebant. Tarde sed effrenate malum serpebat, pediculi angebantur ita, ut quotidiana tantum emundatio levamento esset aegrotae. Totum caput correptum inveni, capillis omnino fere evolutum, in occipite autem et in temporibus nonnulli adhuc capilli erant satis promissi, cetera capitis parte rari tantummodo et curti. In summo vertice in aspectum veniebat, secundum suturam sagittalem, locus quidam sesquidigitali longitudine et digitali latitudine, capillis omnino nudatus, glaber, nitidus, subrubescens, quo malum certe exortum erat. Utroque hujus loci latere subflavae, parvae, tenues crustae aderant, forma rotunda, quae in suis mediis partibus cuti fixae adhaerebant, in marginibus vero elatae, tenues, siccros, subflavos capillos complectebantur. Crustis volsellae ope remotis, sub aliis exiguum copiam flavi vidi purulenti liquoris, vel massam quandam subflavam majoris soliditatis, sub aliis vero subruberum et excoriatum tantum spatium. Hanc liquidam,

cujus jam mentionem feci, vel magis consistentem massam, ubi aderat, volsella vel sola expressione removere potui, et subter quamque crustam fovea cutanea, massam illam continens, magnitudine capitinis acus majoris, affigendo inservientis, in adspectum veniebat. In multis tali ex fovea germinabat capillus, in primis ibi, ubi massa contenta satis liquida erat, rarissime contra in iis, in quibus densior illa videbatur; capillus, quem facile evellere potui, eandem apud tineam ahorosam observatam radicem praebuit degenerationem. Etsi foveae, foveisque crustae congruentes, nonnullis in locis ita inter se contingebant, ut hae nexae inter se et jugatae essent, facilime tamen has diligenter considerando, in rotundam earum formam foveasque ipsas incidi. In verticis latere, usque ad auris marginem superiorem, non aliter erant crustae formatae, quarum tamen major pars adnexa tantum erat glabra, subrubrae suae cutis parti, minor vero jam nominatum humorem tegebant. Capilli inter et subter tegumentum crustosum collocati erant, quod nitidum et canum micabat et capitinis cutem rubefactam, sulcatam, inflamatamque ostendebat. In pilosa frontis parte tinea erat ut in vertice, crustae crassiores, magis cohaerebant magisque tegebant locos humectantes. In occipite usque ad cervicem exanthema erat siccissimum; non deerant quidem foveae descriptae cutis neque earum contenta, sed in minori tantum numero aderant. Tinea ut si

pra dixi, totum caput obtinebat, ubique crustae aberant, ibi epidermis furfuracea resolvebatur, quod et in fronte usque ad supercilia evidenter apparebat. Pediculi nulli prodibant. Ut iu tinea achorosa ita et in hac capillos, qui supererant, praecidi, caput inunxi et mitra texi ex vesica bovis parata. Sequentie die omnes crustas solutas et defricatas inveni et toto in inflammatu capitis tegumento, magnam copiam pustularum subflavarum, quae lenticulatae cuti inhaerebant, alia alii satis propinquaque, sed quaevis ab aliis sejuncta et ex quaque capillus unus progerminabat. Quibus capillis revulsis, pustula rumpebatur, ex qua humor emanabat purulentus et mox foramen illud cerni potuit. Cujuusvis capilli radix degenerata erat. Ubi hesterno die removeram crustas, et capillos extraxeram, ibi hodierno sane die loci emergebant glabri subrubicundi cum foveis vacuis exstructi. In ceteris capitibus idem erat cernendum. Postero die, quo loco favi intacti remanserant, profluens exsudatio in adspectum veniebat, quae late diffusa, intenuis cuticulae formam durescebat, e qua, illibata perseverante, favis congruentes formabantur crustae, quae descripta erant forma. Quid? An non inde formam crustarum rotundam derivare possumus? Quippe quum proxime densata series massae exsudatae, in pustulae tantum ambitum diffundi posset et cuticula, initio orta, quo minus umerius disseminaretur, impediret. Ratione memorata et in posterum

aegrotam tractavi, et vivendi ratione apta; statui aegroto consentiente, praescripta, neque extrinsecus, neque intrinsecus quidquid in auxilium vocavi, nisi quotidianam emundationem, sensimque remotionem capillorum; exitu vero aeque hic prospero oblectabar, ac paulo ante in tinea achorosa; inflammatio, ut revocem, et exsudatio decesserant, et foveam clausam glabra et nitida cuticula vestibat. Nonnullos alios, eadem tinea affectos, tractavi; sed nihil in his novi percepvi, nisi quod in aliis longius serpsisset malum, in aliis vero cum statu universalis morbo magis minusve conjunctum esset. Ex historiis morborum apparet, me tam tineam favosam et asbestos Alibert, quam porriginem lupinosam, favosam et decalvantem Batemann, hic observasse. Utique hae tineae formae, inter quas plurimum interest, non semper perspicuae et apertae sunt ad cognoscendum et secernendum, nam ambarum pustulae peculiares saepissime conjunctae et ita commistae invicem procedunt, ut diagnosis difficultates nimis augeantur. Praeterea, huc accedit, quod morbum, mox ad hunc mox ad illum gradum progressum, observandi nobis fiat occasio. Non semper tinea in pilosam tantum capitibus partem impulsa est, sed haud raro, eodem etiam tempore tineae similes pustulosae eruptiones in fronte observantur, porro in temporibus, service, dorso et in extremitatibus, prout plus minusve secernatur et prout malum sit topicum aut magis universale; quod et ex

**A**libert descriptionibus elucet, qui, hoc, narrat, potissimum fieri apud illas tineae species, quae inter omnes emineant uberiori secretione, in primis ergo apud tineam mucosam ejus et favosam. Quin imo, vicissitudo locorum in quibus morbus erumpat, interdum adesse videtur, nam nunc caput nunc alia organismi pars corruptitur. Sauvages et cum hoc non nulli tunc exanthema tineam volaticam appellant. Nonnunquam etiam, dum exsudatio in superficie perduret, aut, quod crebrius fit, dum ipsa diminuatur, exsudatum sub capiti tegumento deponitur, quo facto, abscessus suis cum prodromis, interdum etiam febri subsequente, erumpunt in parte capitis capillata, quae cito maturescunt, cito aperiuntur, et plus minusve secernunt puris satis boni. Quae si diligenter et accurate tractantur, facile ac bene sanescunt, contra vero, neglecta, celerrime clauduntur. Valetudini raro turbations magnas tinea erumpens affert, fieri enim solet, nec quidem raro, ut aegroti, quamdiu illa tententur, melius se habeant, quam antea valuerint, et pruritus solum et dolor scabendo commotus molestiam aegrotis exhibeant. Sin autem per longius tempus jam perstat malum, nec desunt complicationes, prae cipue dyscrasiae seu scrophulosae seu syphiliticae, ubi semper sic dictam habemus tineam hereditariam: tunc nonnulla sane symptomata morbosa in lucem prodeunt. **V**itia enim digestionis et alvi excretionis, diarrhoeae, glandularum lymphaticarum tumores, habi-

tus cachecticus, symptomata hydrozem spectantia, maces universalis etc. serius otius in conspectum veniunt. Incertum vero, quamdiu duret malum; breve est in alio, in alio diuturnum, prout ipsud simplex incedat aut complicatum. De integro etiam in speciem sanati in morbum rursus incident, quin malum haud raro ex pertinacibus reproductionis vitiis suam ducat originem.

### *Aetiologia.*

Quod attinet ad tineae naturam, characterem, vel proximam quam dicunt causam, aequo diversae et contrariae sunt de his, ac de diagnosi, medicorum sententiac. Pro generali cuiuscunque temporis medicinae statu, pro theoriis vigentibus, nec non pro proprio cuiuscunque iudicio, iisque, qui observabantur, morbi modis, tinea aliter atque aliter dijudicata est ac definita. Vehementissime est certatum de re, maximi certe momenti, scilicet, utrum malum universale sit an potius locale. Veteres ut in omnibus, sic hoc etiam morbo modo corrupta accusant recrementa biliosa, pituitosa, melancholica 25), modo humorem acrem acidumque, qui e sanguine in capite deponatur 26), tum etiam morbum, aut corrupto sero quodam salso, vis-

---

25) Alex. Trall. L. I. cap. 8. pag. 13.

26) Sylvius prax. med. pag. 614 sq.

cido, quod in cryptis sebaceis stagnetur <sup>27)</sup> oriri statuunt, aut abundante in infantibus moco tenaci acidoque<sup>28)</sup>. Alii cum saepe hoc malum cum lue venerea complicatum viderent, hanc esse in culpa <sup>\*)</sup> contendunt, quo commotus cel. Richter <sup>29)</sup>, occulto, quod a matre in infantes transeat, veneno venereo, adjuvari nonnunquam tineae ortum, quo in casu valde pertinax et tamquam hereditaria appareat. Haud addubitamus quidem, quin interdum ita sit, nec vero nisi ea ratione, qua syphilis, systematis reproductivi praecipue morbus, id debilitet et facilius reddit ceteris morbis ingressu. At in omnibus his conjecturis, ut bene monent Murray <sup>30)</sup> et P. Frank <sup>31)</sup>, plus aequo hujus mali localitas negligitur, qui vero in contrarium incidunt miendum, quum, tantummodo locale id esse, opinentur. Nam Murray, cryptarum sebacearum tantum morbum putat (tamen hic ipse exemplo, quod affert, generale esse malum declarat, cum, in diuturna tinea, sub aegroto digiti ungue ulcus exortum easdem habuisse, quas affectum capitum corium, secretiones,

<sup>27)</sup> Fr. Hoffmann Suppl. med. rat. syst. pag. 95.

<sup>28)</sup> Lorry de morb. cutan. pag. 436 et Etmüller coll. pract. oper. T. III. pag. 1098.

<sup>\*)</sup> Cel. Odbelius Underrättelse, huru man kan beta sig sielf för veneriska sjukdomen. p. 8.

<sup>29)</sup> Richter spec. Therap. Ausz. 3. Bd. pag. 375.

<sup>30)</sup> I. n. §. 7.

<sup>31)</sup> I. n. pag. 166.

naret). P. Frank vero, ut etiam Alibert <sup>32)</sup>, hoc exanthema succi exsudationi in quibusnam comparat arboribus, qua, abundante organica vi et copia, liberrarentur.—Recentiores morbi naturam locali quadam, reproductionis, in cutis organo, abnormitate oriri statuunt, quae vero qualis sit, neque explicant nec demonstrant. Omnes tamen definitiones jam modo enumeratae, cum aut nimis generale habeant malum, aut plus justo locale, aut denique diligentia careant, nequaquam sufficiunt. Est enim, et generalis et localis morbi natura, et quomodo decurrat, respiciendum. Quod ad illam attinet priorem, tinea saepe quidem morbus est localis, qui vero in multis generalibus organismi processibus, cum ortus tum continuacionis habet conditiones, saepe vero topicum tantum productum status morbosi generalis. Sin vero decursum hujus mali diligenter consideramus, inflammatorium locorum affectorum statum, tum orienti, cum recurrenti adesse morbo, et causam ejus habendum esse, clarissime patet. Hanc sententiam non illa solum, de quibus jam diximus, phaenomena, temperatura scilicet aucta, tensae, rubrae, tumidae, quae afficerentur, corporis plagae, sed causae etiam, quae maxima ex parte, factis ad haec loca congestionibus, irritatum efficere possunt statum, affirmant; probat etiam ista, quae exitus haberri potest inflammationis, pustularum

<sup>32)</sup> Alibert I. n. 38.

formatio, lymphaticorum serosorumque humorum secretio, nec non quod saepius renovetur inflammatio localis, iterumque proprium suum habeat exitum, ut saepe fit in iis, quae chronicæ appellari solent, inflammationibus. His et nostram adscribendam puto, quae, valde diversa ab acuta, synochaæ adnumerata, sejungi haud debet ab illa, quae aut chronicæ, aut lymphatica, reproductiva, synochi præ se ferens naturam a variis nominari solet <sup>\*)</sup>. Quid qui-

<sup>\*)</sup> Cum nomina synochus, lymphatica, reproductiva inflammatio, neque apte sint electa, neque a variis scriptoribus uni eidemque applicentur rei, explicandum puto, quidnam in hoc meo opusculo haec nomina indicent. Evidem hisce verbis non aliarum partium significo affectiones, nisi vasorum sanguiferorum, sed in his tantum inflammationem posse locum habere, firme credo, ita ut hac ratione inflammatio semper sit una eademque. Per varias autem res, decursum, vim, symptomata, eventus ejus tantopere posse mutari, quantopere e. gr. reproductiva, quam vocant, inflammatio demonstret, quam in chronicis praesertim reperimus cutaneis morbis, haud minus persuasum habeo. Sunt vero bae, quibus mytanturn, res: constitutio generalis, specialis deinde organi, in quo se morbus explanat, structura ac functio, et natura denique causarum, quibus efficiebatur. His, pro mea opinione, facile explicari potest, quomodo inflammatio, si in corpore laxiori, et minus irritabili praedito constitutione, in organo, reproductioni praesertim obedienti, reperiit et causas consequitæ est, quae relaxantem habent vim (cui quidem inflammationis modo nomina illa imponuntur) tam diversa esse possit ab ea, quae in homine robustiore, in organis, quae irritabi-

dem non solum exitus ejus affirmant, quippe qui, ut in omnibus reproductivi systematis inflammationibus, quibus nostra etiam adnumeranda est, serosa præcipue et lymphatica excretione, desquamatione, et ratius purulatione, cernuntur, sed illa etiam res notatu digna, quod non diminutae sunt, ut in synocha, sed auchæ secretiones, quo in primis synochus, quem vocant, notatur; porro hoc suadet, quod constat, individua, in quibus alii reproductivi systematis rami correpti sint, procliviora esse huic malo, nec denique repugnant turbatae, aliarum reproductionis partium, functiones, tineam consequentes. Prout iuflammatio

litati sunt subdita, causis genita est, vasorum sanguiferorum in primis actionem afficientibus, et ab altera denique, quae in organismo magis sensibili et debiliore, in organo sensibilitati præcipue inserviente, causis nititur, quae in nervos præ certis valent. His causa inest, cur hi numerentur inflammationis modi: inflammatio acuta, chronicæ, activa et passiva, reproductiva seu lymphatica, quam multi synochum vocant, et nervosa, quae vero accurate discerni debent ab inflammatione vasorum sanguiferorum, lymphaticorum et nervorum. Pro varia vasorum sanguiferorum affectione, scilicet ut, aut fines arteriarum, aut venarum initia, aut, quibus coniunguntur, vasa capillaria, quae vel sanguinem ferunt vel serum, aut, qui tamquam vasa excernentia se ostendunt, arteriarum fines, affecti sunt, inflammatio arteriosa, venosa et serosa distinguuntur. Cum autem haud facile hæc cognoscantur, nec constantes sint, quas supra tractavimus varietates, difficillime est descriptu, cuinam ordini quaecunque adscribenda sit, quae locum habet inflammatio.

vel per totam pariter explanata est capitis cutem, vel singulas prae ceteris affectit plagas, aut una aut altera tineae formarum, quas jam admonui, formatur. Equidem, utrum magnitudinem etiam pustularum terminet an non, dijudicare non audeo.

Haec inflammatio plures tegumentorum crani partes afficere, et aut in reti Malpighi, aut in cryptis quas vocant, sebaceis, aut deinde in bulbo capillorum, h. e. in involucro radicum, quum in ipso capillo, nec nervos esse, nec vasa sanguifera contendant, aut in cutis denique tela cellulosa, sedem potest collare. Quarum partium cuique, varii medici sedem tineae adscriperunt, cel. nempe Hempel 33) reti mucoso, ex quo postea cutem ingrediatur, Murray 34) cryptis sebaceis, in quibus materia quaedam stagnetur, mucosa et purulenta, quae pro naturae acerbitate aut corrodat cutem, aut in squamas solvat, aut effluendo siccas efficiat crustas; Alibert 35) telae cellulose et praecipue quidem vasibus ejus, quibus irritatis, materiae exsudentur, quae induratione in exanthe- ma mutentur. Duncan 36), Sauvages 37), Josephus Dimsdale 38) in bulbo capillorum hujus malij collo-

33) Handbuch der Anatomie. T. I, pag. 379,

34) l. n. pag. 237,

35) l. n. §. 47,

36) Medical cases and observations. p. 159,

37) Nosol. meth. T. III, P. II, pag. 47<sup>4</sup>,

38) Dissert. rec. in Websteri med. prax. syst. T. III, p. 143,

cant sedem. Cujusque horum judicio veri aliiquid inest, nulli vero universa concedi potest auctoritas, neque enim semper tam leviter malum tangere solet, quas afficit, plegas, ut non alius descendat, quam usque ad rete mucosum, nec semper cryptis tantum insidet sebaceis, nec denique in tela cellulosa semper reperitur etc. Etsi negari hand potest Murray il- lud, quod capillorum radices evulsae, non semper afferant sanationem, quae saepius non nisi longiore tempore aut altioribus tantum afficiantur morbi gradibus, quo, his inesse primam morbi causam, non possit, tamen recentiores in primis scriptores, plus ae- quo eas neglexisse mihi videuntur; nam in iis certe, quae egomet observabam, hujus mali exemplis, quin maxima ex parte et prae ceteris his inesset materia peccans, ut ita dicam, aldubitate haud potui, quod non curationis solum eventu, sed eo etiam probaretur, quod in aegrotatum una, illi, quam primum tetigisset malum, plagae, haud prius rediret valetudo, quam capillis omnino effluxis. Inveteratum quidem in his observare tantum potui exemplis morbum, attamen ex alio, jam in oriente malo capillorum bulbo sedem ejus inesse, percepvi. Ceterum e quaestionibus anatomicis, de cadaveribus hominum, qui tinea erant affecti, constitutis nihil magni momenti elucet, ut ipse profi- tur Alibert 39), cum illas enarrat.

39) Alibert l. c. Art. 5. §. 50.

Jam praecipuam hujus morbi in infantibus frequentiam, crebriorem vero in pubertatis annis diminutionem, quin etiam abitum mali, haec, in quam, persuadere oportuit, puerili in primis aetati causas inesse, cur facilius saepiusve hic morbus excolatur; quae quidem recentiori tempore satis observatae, sub titulo causarum praedisponentium diligenter inquisitae sunt ac descriptae. Imo tam graves habebantur, ut tinea capitis, sicut aliorum morborum nonnulli, necessaria putaretur ac salubris puerilis organismi oeconomiae. Quod, etsi verum sit maxima ex parte, tamen tam longe, quam a P. Frank, extendi non potest, quippe qui in infantibus exuberantiam principii nutrientis tinea capitis derivari statuit. Verum enimvero nec reperitur illa exuberantia in omnibus pueris hoc morbo affectis, neque omnino necessariae sunt naturae tales derivationis viae. Sunt vero, de quibus supra dixi, conditiones: magna systematis reproductivei prae ceteris activitas, praecipua capitis evolutio, ideoque aucta ad hanc partem congestio. Hac enim aetate ab anno secundo usque ad decimum quartum — scilicet in prima infantia, dum lactent parvuli, rarius tinea oritur — caput summum percurrit evolutionis stadium, ut non sola magna ejus, prae ceteris corporis partibus, praestantia, sed multi etiam docent processus, qui in capitis organis contingunt, dentitio nempe et sensuum cultura, ingenii animique cultus, primae loquendi instrumentorum actiones, et

quae his efficitur in cerebri partibus evolutio. Omnes hae res eo praesertim tempore, quo per se praevalet reproductive et praestantia sunt hujus organa, majorem hac in parte efficiunt processum vitalem ac resultantes inde ad eam congestiones, ubique enim ita se res habet, cum in eo est natura, ut evolucionem in organo aliquo perficiat, praesertim vero hoc in loco, quo tam multa conjuncta sunt organa graviora. Etsi directe haud spectent omnes hi processus integumenta capitis, tamen capilli, largiter in dies crescentes, crebriorve, hac in aetate, pediculorum ortus, cutis etiam actiyitatem auctam satis aperte demonstrant. Accedunt ad haec malae etiam consuetudines, quum infantes inde a tenero velamentis capitis calidioribus tegi, fasciisque involvi soleant, quo augeantur naturales ad caput congestiones, et exspiratio munditiaque prohibeantur. Nemo igitur mirari potest, quod multis hac in periodo caput obnoxium sit morbis; si praeterea systemati reproductive jam malum aliiquid inest, cutem etiam, praecipuum hujus sphærae organum, in capite praesertim, causis jam dictis, tangere oportet, quo evenit, ut tinea tam saepe scrophulosae, syphiliticae, herpeticae vel leprosae se jungat dyscrasiae. His concessis, memorabilis illa et haud neganda res explicari potest, scilicet quod hereditate saepe hic morbus transfundatur, quippe cum hae dyscrasiae saepius, quod sane dolendum, appareant hereditariae. Omnes vero hae morbi con-

ditiones' finem habent pubertatis tempore, quo si, ut vel in ipsa hac aetate, vel serius, raro tinea oriatur et continuetur, saepius evanescat, ac semper certe facilis sit sananda. In iis tantum reperiuntur adulstis, qui statu valde scrophuloso seu syphilitico, proclives ad eam sunt ac propitii. Tamen inter Esthonos adulstis reperiuntur, quin etiam senes, tinea affecti, quod vel causis supra dictis, vel velamentis capitis efficiunt calidioribus et immunditie. Tum morbus, ut fieri solet, formam p̄ae se fert tineae achorosae, proximiori, quam corpus aetate provectum in potestate habet, succorum copia.

Causas occasioales se praebent: morbus scrophulosus et quo dignitur, victus insalubris, cibi asperi et farinosi, in lactentibus lac vetus ac pingue, commoratio in aere humido, frigido uideoque, externa corporis immundities, domicilia angusta, humilia et squalosa, calor una cum multis capitis velamentis, aucta pediculorum copia, turbatae secretiones e. gr. urinae, cui in hujusmodi aegrotis peculialem inesse odorem nonnulli contendunt. Quod quidem magni momenti esse negat P. Frank, attamen Alibert investigationibus suis docet, infantes ad epistaxis foetidosque urinae fluxus, procliviores, minus obnoxios esse tineae, aut certe facilis ab ea posse liberari. Quod attinet ad vim contagiosam tineae, nec quomodo, nec quando contagio serpat, satis appetum est; attamen ipsa illa morbi propagatio ne-

gari haud potest, quum, etsi cognita sint multa sanorum exempla, qui una viventes cum aegrotis, hoc morbo haud afficerentur, multa tamen contrarium probent, atque insuper, tineam per exsudatum aliis etiam posse inseri, experimentis, ut Alibert I. n. §. 93 docet, satis constet. Quin vero morbus, si ad altiorem pervenerit gradum, contagiosus sit, dubitari non potest, quum tum praesertim generali comitatus sit dyscrasia. In aegrarum, quas egomet observavi, una, satis vera videbatur parentum suspicio, contagio puellulae illatum esse morbum, cum alia mali causa reperiiri haud posset, alteraque aegrota e familia vicina esset, qua plures tinea essent affecti.

### *Prognosis.*

Ex toto haud infasta est prognosis. Inferioribus enim gradibus hoc malum molestum potius est, fastidiosum et diuturum, quam pericolosum, imo in pueris succipiens, valdeque lymphaticis, salutare est quadam ratione; cum congestiones ad majoris momenti partes coercent, multosque hoc modo, qui oriri possent, morbos praecaveat. Itaque hoc malum salubre esse vulgo creditur, et P. Frank ita dicit: „non vulgus tam saepe ac medici opinantur, de morborum successibus judicando a vero aberrat.“ Minime quidem necessarium est, hominem sanum morbo affici, ut sanus maneat, tamen autem infantes,

processibus evolutionis in capitis organis, tam multis offeruntur morborum periculis, ut saepius tineam apparentem salutarem putare debeamus. Nam certum est, hoc morbo, accumulationes lymphaticas et serosas in cavo cranii, scrophulosin et rachitidem saepius prohiberi, quin etiam morbos jam existentes derivari, ut exemplum demonstrat, quod de medico quodam L'homme Alibert (l. n. Art. II. §. 57) narrat, quippe qui, quum infans tres annos natus, enteritidi chronica laboraret, tineam ei inserens, malo medebatur. Subitam igitur et incautam hujus morbi oppressionem infaustissimi consequi possunt casus, et saepe, quod dolendum, cuiusvis generis nervorum morbi e. gr. amaurosis, surditas et cet., porro indurations partium internarum, asthma, chionicae oculorum et membranarum cerebri inflammationes, quas hydrocephalus sequitur, hydrops pectoris, tussis convulsiva, gastrodyniae, diarrhoeae, febris hectica imo etiam nervosa et cet. ex oppressione ista oriebantur. Nec sane contumendae sunt observationes, quae, quo rariora facta sunt nostris temporibus exanthemata capitis, quod diminuto calidiorum capitis velamentorum usu explicant, eo crebrius inflammationes et cum acutum, tum chronicum cerebri hydropem et organorum respirationis varios morbos, oriri, nobis persuadent. Gradibus inferioribus per se non nunquam malumabit, scilicet cum finitae sunt, quibus excitabatur, causae, in primis igitur tempore pubertatis, quo ad alia-

rum partium evolutionem, maximam suam impedit natura operam, ac magis magisque organorum capitis postponit vitalitatem. Si vero ad altiore gradum pervenit morbus, diutius perdurat, latiusque se explanat, tum haudquaquam periculo omnino caret, et ob pruritum sempiternum insomniam efficit et inquietudinem, maciesque, segnitia, retardata corporis animique evolutio eo facilis gignuntur, quo junior est, qui afficiatur, quo longius remanserit morbus et quo plures secretionis substantiae perdantur. Rebus tam infaustis facile morbus scrophulosus appetet, citissimeque ad altum pervenit vehementiae gradum, in atrophiam transit et statum hecticum, quo fit ut saepius morte ipsa possit finiri. Altiores tineae gradus sanari vix possunt sex mensibus, quin etiam non nisi annis peractis, praecipue si pubertatis evolutio ea ipsa retardabatur. Quo magis superficiale se ostendit malum, eo facilis sanari potest, sin autem aliud descendit, difficilius parti aegrotae mederi possumus, nec nisi omnes, quorum radices affectae sint, capilli amitterentur. Difficilior sane est sanatio, si complicaciones simul adsunt. Diversa denique est prognosis pro constitutione corporis, variis, quibus versatur aegrotus, vitae modis, et curatione, qua antea jam aeger fruebatnr. Secretio urinæ, ut in aliis, hoc etiam morbo memorabilis esse videtur momenti, et cel. Strack urinam, si finis mali prope adsit, redolere felinam, sin vero diu tenturus sit morbus, haud mu-

tari contendit. Crebrae sunt in tinea recidivae, ideoque cavendum est, ne temere sanata habeatur, nam omnibus tantum symptomatibus recessis, et capillo crescente colore naturali et ceter., certa est mali sanatio. Omnino vero aliud est illud satis jam expertum, scilicet, quod morbus, non ex symptomatibus tantum, sed penitus sanatus, tamen reddit, quem causae, illum excitantes, in corpus iterum agant. Hoc quidem non est, etsi vulgo ita putatur, recidiva mali, sed regeneratio.

### *C u r a t i o*

Profecto necessarium est, hujus morbi curationem manibus tandem eripi circumforaneorum aliorumve, quibus, neque jure nec facultate iunctis, summa medicinae exercendae inest cupiditas; qui utrum aegrotis arti majus apportaverint damnum, certe haud scio; quum tam diu prae ceteris huic morbo mederentur. Etsi hi ipsi, ut P. Frank contendit, per multa, quae bene succederent, sanandi experimenta medicis viam monstrarent ad curationem, quam ille veram habet, localem, et reducerent, quod sane multum habet utilitatis, medicos a rationibus, nimis generalibus, tamen haud negari potest, quin nimis amplius sit Franki illud edicium, quin ipse, plus justo topicum habeat id malum, nec, quin cura locali, saepissimeque barbarica, summae effectae sint calamitates. Haec etiam est causa, cur tam multa commendentur et adhibeantur huic morbo remedia,

quorum quidque, in uno tantum aut nonnullis salubre tineae casibus, tamquam universale ab inventore conclamatetur et describeretur, quo curatio difficilis redita sit ac diurna. Ut medicamenta salutaria segregentur ab inutilibus vel etiam nocentibus, et in enumerandis remediis certus quidam retineatur ordo, necessarium mihi videtur nonnullas pro curatione statui indicationes. Quae pro mea opinione hae fere sint.

I. Removendae sunt causae occasionales, nec non curanda stricta quaedam vitae diaetaeque regula.

Jam Hippocrates stimulam laudat regiminis curram, quae eo majoris est momenti, cum, per hanc solam noninquinam sanatam esse tineam, constet, et bona diaeta, sensu latiori, cuique sanationi perfectae pernecessaria sit. Hac igitur ratione curare oportet, cibum salutarem, minusque irritantem et digerendo aptum; vitandae autem sunt plantae frugesque crudiae, substantiae irritantes, seu solidae seu fluidae, cibi digestioni difficiles atque inflantes; diminuenda in infantibus succipiens nutritus cum quantitas tum qualitas; lactentibus, si lac, quo fruuntur, inveteratum ac pinguius est, alia adhibenda est nutrix, aut cibi praebendi sunt, arte parati. Sunt his in primis laudandi cibi lactarii, iura tenuiora et aquosa, subacida vel qui saccharum continent olera, panis aptus et bene coctus, haud multi et leves tantum, qui e carne pa-

rantur, cibi; infantibus contra tam bene non nutritis, cibi mites quidem, sed tamen magis nutrientes, jura mucosa, pollenta avenacea, sago, caro mollis, jusculaque addita, salutaria se probant. Procuranda haud minus sunt: domicilium salubre, liber aëris puri aditus, justa corporis motio, quam maxima, cum totius corporis, tum praeципue capitis, munditia, diaeta frigiduscula potius quam calida; vitandae autem culcitae plumeae, omniaque et crassa et angusta et calida capitum velamenta. Prohibita urinae secretio, ubi causa haberi debet morbum adjuvans, restituenda est vel per infusionem stipit. dulcamar. vel rad. sarsap. vel herb. jaceae; ubi pediculorum copia aut genitum est malum aut sustentatur, necandi sunt et caput pectine purum reddendum. Adhibentur ad hunc finem aut oleum recens purumque seu adeps, aut sapo mollis atque albus, qui immixtis aliquot olei destillati e. gr. ol. anis. sive lavendul. aeth. guttis, capiti illimitur, - aut porro soluta haec olea in spirit. sulphur. aeth. aut napht. vitriol. 40) quibus iterum atque iterum capilli pectinentur, aut denique unguenta nonnulla, ex adipe cum seminibus apii petrosil. seu sabadil., parata; haec etiam capillis inserere, sicut unguento mercur. quodam uti, medici aliquot solent; at, quem remedia postremo nemiciata valde irritantia.

40) et 41) Haase l. n. §. 641.

sint; cum ab cel. Haase 41), tum a Richter 42) rejiciuntur. Cavendum demum est, ne contagia fiant, et segregandi igitur a sanis aegroti, ac prohibendum communis, mantelum, pectinum, pileorum, mitramque usus.

II. Respiciendum est ad statum generalem, ac complicationes:

Quod diligenter observandum jam Hippocrates, iisque qui jure dici possunt discipuli ejus, judicabant, qui curationem internam suaderent, qua purgationes laudarent per medicamina lenia, ut cichorium, leont. tarax. aliasque herbas leniter purgantes e. gr. nasturcium aquat., trifol. febrinum, quas saepius quotidie impenderent infusionibus. Alex. Trall., ad indicationes universales agi, voluit, ex singuli vitae modo et constitutione derivatas, et Rhazes singulam pro singulo temperamento ostendit curandi rationem. Varia et magna cunctis cum aliis corporis systematis conjunctio, sympathia ejus cum organis aliis, universi evolutionis processus, qui maximam habent in tinea oritura auctoritatem, ut supra jam sub titulo causarum demonstratum est, omnia haec satis aperte, hanc indicationem magni esse momenti affirmant. Periti igitur viri et prudentes semper ad illam nosducentes, symptomaticam istam Empiricorum curan-

41) Haase l. n. §. 641.

42) Richter l. n. pag. 387.

di rationem, acriter reprehenderunt. Quis enim ignoret, quin saepius morbus localis supprimi omnino haud debeat, cum aliud majoris momenti prohibeat malum. Pernecessaria igitur est curatio universalis, quae vero haud certa est atque immutabilis, sed a constitutione, morbi gradu, incremento, et complicationibus pendet. Si homines juniores, robusti, plethorici, hoc malo afficiuntur, si recens est tinea neque inveterata, si inflammatoria se ostendunt signa, vehementesque ad caput congestiones, tunc, ut et hae tollantur, et illa mitigentur, pro intestinorum receptivitate, aut purgativa refrigeratoria, adhibenda sunt, e. gr. tart. dep., natronat., boraxat., liq. cal. acet., manna, pulp. tamarind., aut torpidore intestinalium statu, deficientibusque symptomatibus inflammatoriis, purgativis drasticis, quae Murray 43) omnibus medicamentis iuternis preferenda putat, utendum est, seu quotidie minori, seu rarius majori dosi adhibitis. His tamen remediis tum praecipue utar, cum status gastricus, pituitosus vel verminosus, quod quidem saepe fit, adsit. In infantibus contra imbecillioribus, ubi constitutio invalidior facta, vitanda sunt haec medicamina, iisque preferenda remedia amara, tonica, roborantia et aromatica, ut et secretio melior fiat et adjuventur digestio et assimilatio. Constitutio scrophulosa, si inest initio morbi,

43) l. n. §. 9.

curanda est et eligantur igitur remedia, quae et resolventia et irritantia in sistema lymphaticum agunt; itaque Murray (l. n. §. 14.) cicutam, alii stipit. dulcam. Hb. jac., rad. sarsap., digit. purp., con. macul., rad. chin., bardan., alii denique antimonials, mercurialis, baryt. muriat., commandant. Aequa respiendiæ sunt complicationes etiam syphiliticae, quibus cel. Werlhof 44) adhibuit pulv. Plummeri, cuius vero vim nonnulli addubitant, alia suadent mercurialis. Simulo complicata est cachexia herpetica vel leprosa, haec est sananda; restituendae porro, quae saepe tineam antecedunt, prohibitae secretiones, itaque saepe apta cutis cultura, ut diaphoretica et diuretica, maximum afferunt fructum. Ut denique in aliis cutis exanthematibus chronicis, sulphure saepe utuntur ob summam ejus in organa peripherica efficientiam, ita et huic adhibetur, si minuta sunt in organo cutis symptomata inflammatoria, et formari incipiunt exitus, ut et moderetur quae subsit sensibilitas nimia, et quam maxime caveatur, ne exsudatae et secretæ substantiae, peracutæ, irritantes fiant et corrodentes, nec novam in aegrotarum plagarum circuitu inflammationem, latioremque efficiant exanthematis expansionem.

44) Oper. Ed. Wichm. p. 665.

### III. Curatio localis.

Cum in cujusque morbi, tum in tineae etiam de cursu variae sunt periodi, quae, etsi paulatim altera in altera transeant neque apertos habeant fines, perspicue discernendos, tamen satis inter se sint diversae, ut suam quaeque reposcat curationem. Hoc modo perscrutanda est magna remediorum copia, quae inde ab antiquissimis temporibus usque ad novissima et commendata sunt et adhibita. Jam Hippocrates, Avicenna et Rhazes huc nos adducunt, et haec est causa, cur ipsi universale sequebantur curationis consilium et lenibus, nisi in aucto malo, semper utebantur remediis. Postea, cum tineae cura a medicis hospitibus in medicina traderetur, et iis qui experientiam solam ducem sequerentur, tum primum in morem inducebantur remedia ista et methodi variae, compositae, saepiusque dementes et noxiae. Omnia medicamina caustica, acria, narcotica et siccantia sensim sensimque in usum venerunt, quin saepius temere monstruosa complicabantur mixta, ut emplastrum nos docet, Paraei tempore usitatum, cuius partes constituentes erant: hellehor., auripigment., lithargyr., vitriol., alumnen, calcaria usta, cali, mercur. pingui contritus, multarumque herbarum succo addito, ut e. gr. beraginis, scabiosae, oxal., porro acet. concentr., pix burgund., cera flava et cet. His remediis cum sine ullo delectu, non nisi coeca fide

inducti, perforanei uterentur, fieri non potuit, quin permultis miseriis demens ista ratio multaretur, cuius rei plura nobis affert Alib. 45) exempla. Ab omnibus igitur simplicior desiderabatur curatio, quae quidem impetrari haud potuit, ni ipsis medicis cordi esset hoc malum, ni naturam ejus et causas comprehendenter, et his curam accomodarent. Summatum igitur merentur gratiam, qui exemplo Alib. Willan et Bat. magis magisque medicorum animum, cum in omnium cutis exanthematum, tum in tineae praeterea adducerent observationem, et saepe et graviter conuetam illam curationem localem cohibendam censerent. Haec curationis simplicitas, quam et Alib. et Bat. cum optant, tum exercent et suadent, nquam mihi affert causam, cur, quae ipsi statuunt, diversa tineae genera rejiciam, namque si ita esset, haud tamē reposcant curationem, qualis ad gradum tantum vel periodum modificata sit. Necesaria est, et inferioribus tineae gradibus sufficiens, cura localis, quare, ut Al. verbis utar 46): „bonae aniculae quotidie quasdam tineae species sanant,“ at tamen nunquam negligenda est secundae indicacionis, gradus, naturae et periodi morbi, ratio. Remediorum externorum usus eo tutior est et eo certior, celeriorve eventus, quo magis jam in initio

45) I. u. §. 69.

46) I. c. §. 70. pg. 129.

morbus tantum localis erat, quo brevius perduravit, quo minus assūtū factum est aegroto, et quo plures, si adsuissent, complicationes antea jam sunt remotae. Alioquin, ut supra jam dictum, omnino sunt repudianda, aut certe exceptionibus tantummodo sumenda. Semper vero internorum medicaminum, una cum extēnris, usus maximi est momenti, quum ita utrōrumque augeatur vis et sanatio acceleretur. Per multa sunt, quae laudantur et usum habent, remedia, quae ut recte ponderentur, in certos quosdam ordines, pro efficiendi modo constitutos, describenda puto. Disperti possunt hac ratione, aut in antiphlogistica, 'sopientia, emollientia, purificantia, aut, quae in exsudati valēt qualitatem, - aut deinde in irritantia, quae vel sunt corrodentia, vel vim continent roborantem, tonicam, vel in secretiones pollent, aut denique, quae exsiccantia se probant. Evidem hanc sequar divisionem, et allato curationis modo, qui diverso morbi statu respondet, suum cīque tribuere locum conabor. — Si exanthēma prodit cum prominentibus signis inflammatoriis, pruritu vehementi, ardore, tensione cuius et aestu, magnam affert utilitatem locali hirudinum applicatio. Ad diminuendum capitis ardorem, et ob munditiā, quae satis commendari haud potest, non solum quotidiana et assidue lotiones cum aqua tepida et sapone persalutares se probant, sed etiam, ut capilli in locis aegrotis, et si totum affectum sit capitis corium, omnes

tondeantur, persuadendum est. Quod vero in malo, latius expanso, sensim sensimque fiat, refrigerationem ut praecaveamus, quam insuper mitra bombycina levi, aut e vesica bovī seu porci parata, capiti imposita prohibere possumus. Una cum idoneis medicamentis internis, locis affectis remedia applicentur mitigantia, lenia et anodynā, quae salubriter inflammata afficiant corii loca, diminuant auctam hujus morbi sensibilitatem, mitigate pruritū molestum et ardorem, et aēris aliorumve nocentium prohibeant tactum. Huc pertinent: illitiones aut olei pinguis lenisque, butyri recentis et insalsi, aut floris lactis et unguentorum lenium ac mitigantium, ex. gr. ung. de alth., de uvis, ung. rosat., et pomat., locales deinde fomentationes, calida e. gr. mucosorum vegetabilium decocta, tepesfactum serum lactis dulce, calida decocta furfurea, nec non pediculorum supra jami monita occisio aut amotio, cataplasmatis denique tepidi, e farina seminum lini, aut pollenta avenacea cum lacte parati usus, si aegrota cutis loca valde tumida sunt et turgida. Si, exsudatione jam ingressa et crustis jam ortis, tamen haud abeunt symptomata inflammatoria, pustularum formatio, pruritus et ardor, summa munditia tunc etiam prae ceteris reposcitur; provideatur, ne substantiae excretae accumulentur, ad quem finem capillos recisos teneri oportet; impediatur, quo minus indurescat exsudatum, cui quotidie illini debet e reme-

diis emollientibus, supra nominatis, unum vel aliud, nec non caput tegi oportet levi tegumento. Quotidie abluendae sunt crustae emollitae, impigre que hoc observandum, nam etsi insimis tantummodo morbi gradibus sola haec tractatio sufficiet, semper tamen sanationem adjuvabit. Iluc pertinere mihi yidentur methodi duae, quarum alteram Murray exhibit, alteram cel. Heim, etsi ille prior jam remedio utitur, cui intensiva magis in sistema lymphaticum tribuenda est efficacitas. Illa medendi ratio, quam Heim 47) spadet, qui loca tinea affecta duplicitate duplicatis, quae quotidie commutarentur, tegit brassicae foliis, donec evanescent crustae et ichor, haud repudianda quidem est, cum caput sive doloribus purum reddatur, sed tamen ob foedum, quem spirat, odorem, usum vix haberet. Hoc ipso laborat incommodo, quam Murray laudat, methodus, quippe qui, cicutam cum extrinsecus tum intrinsecus sumendum, auctor est, quam morbo inveterato cum summo adhibuit fructu, cum intus extr. cicut. gr. jj matino et vespere ordinaret, et ad applicationem externam, mitram, cocta Hb. cicut. repletam dies noctesque in capite gestari, et caput quotidie decocto cicut. lavari curaret. Alibert saepius eandem secutus rationem, per quinque menses quatuor quidem aegrotis omnino, unij vero non medebatur. Cel. Frank pultem suadet e floribus malv. et

47) Henke Handbuch der Kinderkrankheiten, pag. 285.

Hb. cicut. paratam. Dum, quae videri possunt signa inflammatoria, vehemens pruritus ac dolores in capitis corio perdurant, haud alia tractandi ratio idonea est, quam illa, de qua locuti sumus, localis; non prius, quam si evanuerant, quo, plus inveteratum esse malum probatur, remedia fortiora cum summa vero cautione pro morbi vetustate et exsudationis copia adhibenda sunt. Recte igitur, ante curationem incipiendam fonticulos brachiis applicandos esse, jam Ambr. Paraens, Guide Chauliac aliquique medici recentiores docent. Remedia, hoc in morbi statu ordinata, tam diversa sunt, ut non facile, quem teneant locum, delineari possit. Si percrassae sunt crustae, arcteque cuti insident et circuitu magno, secretis exitum praeccludunt, saepius haud amoveri possunt medicamentis jam nominatis, et potentioribus tum est utendum. Quae cum ita sint, aut leniter scabendo tolli possunt, vel saltem mitigantibus illis, quae jam sunt enumerata, remediis faciliore redduntur aditu, aut adhibere possumus causticorum a multis nobis laudatorum unum vel aliud: unguenta e calce, e pulv. canth., cataplasma ta e solut. mercur. subl. corporis. cum mica panis, quae vero, Alibert (l. c. pag. 152) auctore, vehementissimum efficiunt pruritum et cruciatum, unguenta deinde e vitriol. cupr.. aut butyr. antim., lap. infern., aq. phaedaenic.; haec, quibus alia etiam, quam infra haud omittam, utuntur ratione, remedia, etsi non nunquam haud rejicienda sint, si alio modo crustas

amovere haud possimus, tamen non temere applicanda sunt, quum tam vehementem habeant vim. Quod si ita pervenimus ad illum quem petivimus finem, aut rursus lenibus illis utimur mitibusque, jam enarratis, medicamentis, aut si non sufficient, cum aliis ea commutamus. Sic in exsudatione magna, ut, ne degeneretur acrisque fiat et corrosiva, caveamus, plura eligere possumus remedia, quae in qualitatem ejus valent, nec tamen plane eam suppressunt. Sunt haec in minoribus tinea gradibus: decocta stipit. dulcam, Hb. jac. una cum rad. Helen., saponar. plantag. ad lavandum, majoribus vero, inspersio pulv. carb. lignorum vel petrae, usus deinde unguenti e carbone et sulphure cum adipe parati, nam et extrinsecus sulphur in forma praesertim ung. Jasseri ad restituendam secretionem, diminuendamve sensibilitatem suadetur, quas ei, ob vim suam desoxydationis, inesse facultates, contenditur. Inprimis ab Alibert commendatum est (I. c. pag. 132), qui, cur carboni petrae plus adscribat efficaciae quam carboni lignorum, causam in eo praecipue ponit, quod sulphur ei insit. Est tamen carbo remedium, quod, cum vel imbibat humores, vel, quo minus corruptantur, impedit, satis vix probari potest. Ita ill. Thomann 48), qui in primis summa eum memorat cum laude, locis affectis

48) Annal. der klin. Anstalt zu Würzburg. 1801. Monat Januar, Rudolst. 1805.

carbonem vespere inseri et mane tepido saponato ab lui curavit, quo evenit, ut non solum evanesceret odor foedus, sed ipse etiam sensim sensimque abiret morbus. Sic Hunold 49) aegroto cuidam summo cum fructu unguentum e carb. cum ol. ovor. adhibuit, quod in aliis vero duobus sine ulla se ostenderet utilitate. Alibert suam secutus opinionem mixto utebatur pulv. e carb. cum floribus sulph. Non dum satis expertus est aprobatus, quem Haase 50) proponit pulvis e magnesio.

Quo finiatur denique exsudatio, remediorum excitantium, quae vocant, in tinea etiam tractanda usus fuit, plumbi scilicet et zinci. Illud primum celeriter quidem agit, subitoque saepius secretionem suppressit, sed ob hanc eandem causam non sine summo adhiberi debet timore, nec nisi tum, cum recens adhuc est morbus, omnino localis et parvae tantummodo latitudinis. Sunt, quibus praecipue uti soleant, plumbi praeparata: Aq. saturn. et ung. lythargyr. simpl. Zincum, quod cum in oxydi tum salis forma vehementer irritans se praebet et fibras musculares ac vasa in eo, quem tetigit, loco contrahens; ex quo exsiccans ejus et quae secretiones meliores reddit, dependet vis, eandem requirit ac plumbum cautionem.

49) Schaub's Archiv für die Pharmacie. Bd. 2. St. 1. u. ff.

50) Haase I. c. pag. 297

Neque etiam aq. calcis repudiata est ad hunc finem,  
quae aequalem poscit, atque illa, diligentiam.

Morbo eo progresso, ut sub crustis, aut ulcerosa cutis loca, magnitudine diversa, aut reapse penitus penetrantia reperiantur ulcera, curationem tam his, quam complicationibus et morbo universo accommodari oportet. Cum ex illis atonicus elucet status et languidus, media tonica, quibus localis quaedam inest roborandi vis, tum ad vineturas, cum ad lotiones se probant. Sunt hac ratione adhibita: decocta cort. chin., ulm., querc., salicis., quae languescente cutis organo in hominibus atonicis, irritatu difficultibus, et phlegmaticis, sub finem praesertim curationis, cum localem habeant vim tonicam, summi sunt momenti et plus carent periculo, quam illa remedia magis irritantia, corrodentia et exsiccantia. Acriora, quae proposita sunt, medicamina, ut lotiones cum urina, decocta Hb. nicotian. (3) ad 3vjij collat aut hellebor. nigr. etc. celeriter quidem agunt, saepius vero suppressionem efficiunt, quo, non nisi summa tantum cura, adhibenda putem, aequae ac, quod etiam suadent, oxymel aerugininis. Usum etiam habent, quum, ob vim dynamice irritantem et quod chemice corrigentes secretiones corruptas afficiant, suadeantur, acida mineralia: acid. sulphuric. dilut., acid. nitric. in ung. oxygenat., acid. muriatic. (duce Plenk cum ung. de alth.: hac quidem proportione: acid. mur. 3jjj in ung. 3vj; additis vj guttis ol. junip.

aeth.) et ducibus Brückmann 51), Deimann et Gerrit van Wy 52), acid. muriat. oxygenat. Si tam pertinax est morbus, ut nullo, quod tractavimus, remedio sanari possit, ultimum nobis hoc superest resugium, quod malum amoveamus, omnino extincta, quam habet, sede. Quem ad finem, aut directe locum morbosum delemus, vel vesicatorio imposito, vel lapide infernali, corrodentibusque mercenrii praeparatis vel insita calce viva, aut, ducibus Armstrong et Evers 53), massa utimur, emplastri consistentia, e gum. ammon. et aceto praeparata. Quae quidem tonsis capillis emollitisque jam crustis, tres lineas crassa vel ipsi loco aegroto illinatur, vel super alutam extensa, capiti imponatur, quod, ut velamento ceraceo tegatur, procurandum sit. Sex aut octo hebdomadibus peractis, sanam subtus inveniri cutem et morbi sedem purulentione extinctam esse, ajunt. Affectis capillorum radicibus potentissima saepe nil juvant remedia, donec amota sint. Ut in quoque abscesso sanatio haud fieri potest, priusquam amota materia, ut ita dicam, peccante, ita et in tinea esse, ex iis quae egomet observabam exemplis, elucebat; remotis euim capillorum radicibus, pessima etiam lo-

(3) In Huseland's, Schreger's und Harles Journ. der auserl. med. Literatur, 1. Bd. Leipzig. 1803. pag. 40,

(52) Bei Kapp in Horn's neuem Archiv für med. Erfahr., Bd. VI. St. 2.

(53) Act. acad. Goetting. 1798.

ca per se consanuerunt sine ullo remedio, quod semper in quatuor hebdomadibus, per quas traditae mihi erant aegrotae, est comprobatum. Accelerari igitur potest morbi abitus capillis arte remotis, qui aut singulatim volsella, prope radices apposita, aut omnes uno eodemque tempore emplastro picato evelli possunt. Scilicet emplastrum, e pice alba liquefacta, farina scalina et oleo oliv. paratum, aut singulis linteis, digito vix latioribus, sat longis, commissum, capiti impositum, temporis spatio quodam praeterlapso, vi avelitur, quo simul capilli cripiantur et hoc modo totum caput sensim sensimque nudum fiat, aut per totum simul effunditur caput, quo postea totum capillitum uno eodemque avellatnr impetu. Hunc vero tractandi modum, quum per crudelis sit, volsellae usui, qui, dum modo patientia adhibetur et alacritas, eadem efficit, postponendum esse, quis neget?

Si malum cum universis complicatum est dyscrasias, eadem, quae intus dabantur remedia, extrinsecus etiam sunt applicanda, antimonium nempe ejusque praeparata in scrophulosa praecipue, variaeque mercurii compositiones in syphilitica diathesi. Quorum vero postremae latiore funguntur usu; tantum enim abest, ut huic solum casui applicentur, ut potius, cum remedia sint topice irritantia, in iis quoque usum habent, in quibus appareant loca affecta discolora, torpida et purulenta. Praeterea in gradibus supremis

potentissima mercurii praeparata, qua remedia caustica adhibentur.

Sane quidem, medicaminum memoratorum cuique, si certis casibus nec sine cautione maxima sumantur, efficaciam inesse, haud negari potest; tamen leniora praferenda putem, quum haec jam sufficient, si modo patientia adsit, aequa aegrotorum vitae ratio, et diaeta ad certum modificata ordinem.

---

## T h e s e s.

---

1.

Unum tantummodo est febris genus,

2.

Vox sic dicta nasalis non soni per nasum transitu  
progignitur, sed hocce impedito

3.

Causas praedisponentes non statuendas puto.

4.

Hominem cum ceteris naturae productis, et quidem ma-  
gis unoquoque horum in connexu esse et, ut ita  
dicam, dependere ab iis, hanc vero ipsam ob-  
rem perfectissimum habendum esse, contendeo.

5.

In neuralgiis topicis, excisionem partis nervi morbos i-  
solii ejus dissectioni nec non amputationi membra  
aegroti, plurimis in casibus, praferendam esse,  
puto.

6.

Tactui ac motui varii inserviunt nervi.

7.

Morbos nonnullos re vera prophylacticas habere pos-  
sumus; igitur interdum

8.

In morbo excitando, salus.

---